

PN apresia Parlamentu Austrália ratifika ona tratadu FM ho TL FRETILIN husu povu akompaña prosesu

Grupo Média Nacional - 30 Jullu 2019



Parlamentu Nasionál (PN) apresia Parlamentu Austrália ne'ebé ratifika ona tratadu Fronteira Marítima (FM) ho Timor-Leste (TL) iha loron 29, fulan Jullu, tinan ne'e.

“Lori bankada CNRT no partidu CNRT tomak, hato'o agradesementu ne'ebé klean, ba Parlamentu no governu Austrália ne'ebé horiseik halo ratifikasaun ba tratado fronteira marítima ninian, hodi definitiva fronteira entre Timor-Leste ho Austrália nian, nune'e sira mós halo ona alterasaun ba lei 25 ne'ebé ligasaun ho tratado ne'e rasik, hanesan mós PN Timor ne'ebé ratifika ona FM ho Austrália ne'e”, hateten Vise Xefe bankada CNRT, deputadu Patrocino Fernandes iha plenária, Tersa(30/07 /2019) ne'e.

Iha fatin hanesan, deputada bankada FRETILIN, Nelia Menezes hateten, bankada Fretilin seila fó parabéns ba governu Austrália, tanba kotinua sai responsabilidade ba nasaun rua ne'e atu haree ba asuntu ne'e.

“ Importante tebes hanesan Timor-oan atu labele rona de'it informasaun ida bo'ot kona-bá negosiasaun, maibe ita hanesan povu presiza nafatin husu ba governu Asutralia atu haree ho didi'ak kona-bá tratadu ida ne'e. Tanba ita labele konvensidu de'it katak 100%, tanba tratadu ida ne'e hakerek loloos, 30% no 70%, 30% ba Austrália to'o mina maran, di'ak se Austrália ratifika ona, maibe ita labele matan dukur ba situasaun, ita nia rai, dezenvolvimentu paíz ne'e presiza ita. Tanba ne'e mak ami la fó parabéns ba governu Austrália, tanba ida ne'e kontinua sai responsabilidade ba nasaun rua ne'e,” afirma deputada opozisaun Fretilin ne'e.

Entretantu, Parlamentu Timor-Leste mós altera ona pakote lei ne'ebé atu ajusta ratifikasaun fronteira tasi ho Austrália, ne'ebé komposmtu husi lei fundu petrolíferu, lei atividade petrolífera, lei tributaria no regime laboral migratoriu, inklui aprova mós rezolusaun tratadu ba ratifikasaun fronteira marítima nian.**Say**